

『三國志集解』補(五)

今鷹眞

任城陳蕭王傳第十九

陳思王植

○裴注引典略：昔仲宣獨步於漢南，孔璋鷹揚於河朔，偉長擅名於青土，公幹振藻於海隅，德璉發迹於大魏，足下高視於上京。(集503上、標558)

文選李善注。仲宣在荊州，故曰漢南。孔璋廣陵人，在冀州，袁紹記室，故曰河朔。徐偉長居北海郡，禹貢之青州也，故云青土。公幹東平寧陽人也，寧陽邊齊，故云海隅。德璉南頓人也，近許都，故曰此魏(文選大作此)。脩太尉之子，故曰上京。

○又：人人自謂握靈蛇之珠，家家自謂抱荆山之玉也。(集503上、標559) 集解及文選李善注引高誘者，淮南子覽冥訓注也。

又引韓子者，韓非子和氏篇之辭也。 ○又：譬畫虎不成還爲狗者也。(集503上、標559)

文選李善注。東觀漢記曰，馬援誡子嚴書曰，効杜良而不成，陷爲天下輕薄子，所謂畫虎不成反類狗也(文選還作反)。

○又：僕自以才能過若人，辭不爲也。(集503下、標559) 文選李善注。若人謂敬禮也。論語。子謂子賤，君子哉若人。包

曰，若人，若此之人也。

○又：昔尼父之文辭，與人通流，至於制春秋，游夏之徒，不能錯一字。(集503上下、標559)

史記孔子世家。孔子在位，聽訟文辭，有可與人共者，弗獨有也。至於爲春秋，筆則筆，削則削，子夏之徒，不能贊一辭。

○又：蓋有南威之容，乃可以論於淑媛。(集503下、標559) 集解引戰國策者，魏策二之辭也。

○又：有龍淵之利，乃可以議於割斷。(集503下、標559) 集解引戰國策者，韓策一之辭也。

○又：蘭茝蓀蕙之芳，衆人之所好，而海畔有逐臭之夫。(集503下、標559) 呂氏春秋孝行覽遇合。人大臭者，其親戚兄弟妻妾知識無能與居者，自苦而居海上，海上人有說其臭者，晝夜隨之而弗能去。

○又：夫街談巷說，必有可采。(集503下、標559) 漢書藝文志。小說家者流，蓋出於稗官，街談巷語道聽塗說者之所造也，孔子曰，雖小道，必有可觀者焉。

○又：擊轅之歌，有應風雅。(集503下、標559)

○又：擊轅之歌，有應風雅。(集503下、標559)

文選李善注。崔駰曰、竊作頌一篇、以當野人擊轅之歌。

崔駰上四巡頌表。樵夫牧豎、擊轅中韶、感于和也。

○又：辭賦小道、固未足以揄揚大義、彰示來世也。昔揚子雲先朝執戟之臣耳、猶稱壯夫不爲也。（集503下、標559）

揚子法言吾子。或問吾子少而好賦、曰、然、童子彫蟲篆刻、俄而曰、壯夫不爲也。

○又：吾道不行。（集503下、標559）

史記孔子世家。吾道不行矣。

○又：成一家之言。（集503下、標559）

史記太史公自序。成一家之言。

○又：雖未能藏之名山、將以傳之同好。（集503下、標559）

史記太史公自序。藏之名山、副在京師。

○又：其言之不怍、恃惠子之知我也。（集503下、標559）

論語憲問。子曰、其言之不怍、則爲之也難。

文選李善注。張平子書曰、其言之不慙、恃鮑子之知我。

○又：書不盡懷。（集503下、標559）

易繫辭傳上。子曰、書不盡言、言不盡意。

○又：若仲宣之擅江表、陳氏之跨冀域、徐劉之顯青豫、應生之發魏國、斯皆然矣。（集503下504上、標559）

文選李善注。仲宣投劉表、寓流楚壤、故云漢表（文選江作漢）。孔璋窘身袁氏、故云冀域。偉長淹留高密、故云青也。公幹淪飄許京、故云豫。德璉時居汝穎、汝穎太祖食邑、故云魏也。

○又：今乃含王超陳、度越數子。（集504上、標560）

文選李善注。漢書（揚雄傳）。桓譚曰、揚子之書、文義至深、必度越諸子矣。

○又：仲尼日月、無得踰焉。（集504上、標560）

文選李善注。論語（子張）。子貢曰、仲尼不可毀也、仲尼日月也、無得而踰焉。

○又：今之賦頌、古詩之流、不更孔公、風雅無別耳。（集504上、標560）

文選李善注。兩都賦序曰。賦者古詩之流也。文雖出此、而意微殊。

○又：銘功景鍾、書名竹帛。（集504下、標560）

文選李善注。國語（晉語七）。晉悼公曰、昔克路之役、秦來圖敗晉功、魏顆以其身却退秦師于輔氏、親止杜回、其勳銘于景鍾。韋昭曰、景鍾、景公鍾也。墨子（天志中等）曰、以其所獲、書於竹帛、

傳遺後世子孫也。

○又：此自雅量素所蓄也。（集504下、標560）

司馬遷報任少卿書。其素所蓄積也。

○又裴注引文士傳：虞聞知臣莫若於君、知子莫若於父。（集506上、標562）

左傳昭公十一年。擇子莫如父、擇臣莫如君。

○上疏曰、臣自抱雙歸藩。（集507上、標562）

文選李善注。植集曰、植抱罪、徙居京師、後歸本國。而魏志不載、蓋魏志略也。杜預左氏傳注（桓公八年）曰、雙、瑕隙也。賈逵國語注（魯語）曰、雙、非也。謂罪萌兆也。

○刻肌刻骨。(集507上、標562)

文選李善注。孝經鉤命決曰、削肌刻骨、挈挈勵思。

○竊惑相鼠之篇、無禮過死之義。(集507上、標562)

集解引毛詩者、鄜風相鼠之詩也。

○以罪棄生、則違古賢夕改之勸。(集507上、標562 593)

文選李善注。曾子曰、君子朝有過、夕改、則與之。夕有過、朝改、則與之。

○忍活苟全、則犯詩人胡顏之譏。(集507上下、標593)

文選李善注。卽上胡不過死之義也。毛詩謂何顏而不速死也。

集解。困學紀聞云、詩無此句。

○七子均養者、鳴鳩之仁也。(集507下、標563)

文選李善注。毛詩(曹風鳴鳩)曰、鳴鳩在桑、其子七兮。毛萋曰、鳴鳩之養其子、且從上下、暮從下上、其均平如一。

○超商越周、與唐比蹤。(集507下、標563)

文選李善注。商周用師、故云超越。唐虞禪讓、故云比蹤。

○篤生我皇、奕世載聰。(集507下、標563)

文選李善注。毛詩(大雅大明)曰、篤生武王。國語(周語上)。祭公謀父曰、奕世載德。

○萬邦既化、率由舊則。(集507下、標563)

文選李善注。毛詩(大雅假樂)曰、不愆不忘、率由舊章。鄭玄曰、率、循也。

○昊天罔極、生命不圖。(集508上、標564)

文選李善注。毛詩(小雅蓼莪)曰、欲報之德、昊天罔極。

○天高聽卑、皇肯照微。(集508上、標564)

文選李善注。史記(宋微子世家)。子韋謂宋景公曰、天高聽卑。

○星陳夙駕、秣馬脂車。(集508上、標564)

文選李善注。毛詩(鄜風定之方中)曰、星言夙駕。又(周南漢廣)曰、言秣其馬。又(小雅何人斯)既脂爾車。(今既作違)

○駢駘倦路、再寢再興。(集508下、標564)

文選李善注。毛詩(秦風小戎)曰、言念君子、再寢再興。(今再作載)。

○長懷永慕、憂心如醒。(集508下、標564)

文選李善注。毛詩(小雅節南山)曰、憂心如醒、誰秉國成。

○入則事父、出則事君。(集509下、標565)

文選李善注。論語(子罕)。子曰、出則事公卿、入則事父兄。

○故慈父不能愛無益之子、仁君不能畜無用之臣。(集509下、標565)

文選李善注。墨子(親士)曰、雖有賢君、不愛無功之臣、雖有慈父、不愛無益之子。

○夫論德而授官者、成功之君也。量能而授爵者、畢命之臣也。(集509下、標565)

文選李善注。史記(樂毅傳)。樂毅報燕惠王書曰、察能而授官者、成功之君也。孫卿子(儒效)曰、論德(今論作論)而定次、量能而授官、君子之所長也。尸子曰、君子量才而受爵、量功而受祿。

○故君無虛授、臣無虛受。(集509下、標565)

文選李善注。王符潛夫論曰、故明王不敢以私授、忠臣不敢以虛受。按今潛夫論無此文。

○虛授謂之謬舉、虛受謂之尸祿。詩之素餐所由作也。(集509下510上、標565566)

詩魏風伐檀。彼君子兮、不素餐兮

文選李善注。韓詩曰、何謂素餐。素者質也。人但有質朴而無治民之材、名曰素餐。尸祿者、頗有所知、善惡不言、默然不語、苟欲得祿而已、譬若尸矣。

○昔二虢不辭兩國之任、其德厚也(集510上、標566)

文選李善注。左氏傳(僖公五年)。晉侯假道於虢以伐虢、宮之奇諫曰、虢仲虢叔、王季之穆也、爲王卿士、勳在盟府。

○且奭不讓燕魯之封、其功大也。(集510上、標566)

文選李善注。史記(魯周公世家)曰、武王殺紂、封周公且於少昊之墟曲阜、是爲魯公。又(周本紀)曰、周武王封召公奭於燕。

○將挂風人彼己(標點本已作其)之譏。(集510上、標566)

文選李善注。毛詩(曹風候人)彼己之子、不稱其服。(毛詩已作其)

○故啓滅有扈而夏功昭。(集510上、標566)

文選李善注。尚書(甘誓序)曰、啓與有扈戰于甘之野、史記(夏本紀)曰、啓遂滅有扈氏、天下咸朝夏。

○成克商奄而周德著。(集510上、標566)

文選李善注。尚書(大誥序)曰、武王崩、三監及淮夷叛、周公相

成王、將黜殷命。孔安國曰、三監、管·蔡·商也。淮夷、徐·奄之屬。史記(周本紀)曰、成王東伐淮夷·徐·奄。(史記徐作殘)

○將欲卒文武之功、繼成康之隆。(集510上、標566)

文選李善注。毛詩序(大雅生民)曰、文武之功、起於后稷。春秋歷序曰、成康之隆、禮泉涌。

○簡良授能、以方叔邵虎之臣、鎮御四境、爲國爪牙者、可謂當矣。(集510上、標566)

文選李善注。毛詩(小雅采芑)曰、方叔涖止、其車三千。(序曰、采芑、宣王南征也。傳曰、方叔、卿士也、受命而爲將也。)又(大雅江漢)曰、江漢之潏、王命邵虎。(序曰、江漢、尹吉甫美宣王也、能興衰撥亂、命召公、平淮夷。傳曰、召虎、召穆公也。)又(小雅祈父)曰、祈父、豫王之爪牙。

○昔耿弇不俟光武、亟擊張步、言不以賊遺於君父。(集510上、標566)

文選李善注。東觀漢記曰、耿弇討張步、陳俊謂弇曰、虜兵盛、可且閉營休士以須上來。弇曰、乘輿且到、臣子當擊牛醢酒以待百官、反欲以賊虜遺君父邪。及出大戰、自旦及昏、大破之。

○裴注引劉向說苑者、立節篇之文也。(集510上、標566)

○昔漢武爲霍去病治第、辭曰、匈奴未滅、臣無以家爲。(集510下、標566)

文選李善注。漢書文也。

漢書霍去病傳。上爲治第令視之、對曰、匈奴不滅、無以家爲也。

○固夫愛國忘家。(集510下、標566)

文選李善注。趙岐孟子章指（盡心上）曰，憂國忘家。

○而寢不安席，食不遑味者。（集510下，標567）

文選李善注。戰國策（秦策三）曰，秦王告蒙驩曰，寡人一城圍，食不甘味，臥不使席。

（齊策五。寢不安席，食不甘味。）

○突刃觸鋒，爲士卒先。（集511上，標567）

文選李善注。漢書（伍被傳）。伍被曰，當敵勇，常爲士卒先。

○雖身分蜀境，首縣吳闕，猶生之年也。（集511上，標567）

文選李善注。北征賦曰，首身分而不寤。漢武帝遣使者告單于曰，

南越王頭，已懸於漢北闕（漢書匈奴傳上）。傅武仲與荆文姜書曰，

雖死之日，猶生之年。（佚文）

○沒世無聞。（集511上，標567）

文選李善注。論語（衛靈公）曰，君子疾沒世而名不稱。

○出一朝之命，以徇國家之難。（集511上，標567）

文選李善注。司馬遷書（報任少卿書）曰，李陵奮不顧身，以殉國

家之急。（文選殉作徇）。

○臣聞騏驥長鳴，則伯樂照其能。（集512上，標567）

文選李善注引戰國策者，楚策四之文也。

○盧狗悲號，則韓國知其才。（集512上，標568）

文選李善注引戰國策者，齊策三之文也。

○昔毛遂趙之陪隸，猶假錐囊之喻，以寤主立功。（集512上，標568）

集解引史記者，平原君傳之文也。

○干時求進者，道家之明忌也。（集512下，標568）

文選李善注。莊子（山木篇）曰，功成者墮，名成者虧，孰能去功與名而還與衆人。

○誠與國分形同氣，憂患共之者也。（集512下，標568）

文選李善注。呂氏春秋（季秋紀精通）曰，父母之於子也，子之於父母也，一體而分形（今呂氏春秋作兩分），同氣血而異息（呂氏春秋無血字），痛疾相救，憂思相感，生則相驩，死則相哀，此之謂

骨肉之親也。

○冀以塵霧（文選作露）之微，補益山海。（集512下，標568）

文選李善注。謝承後漢書。楊喬曰，猶塵附泰山，露集滄海，雖無補益，款誠至情，猶不敢嘿也。

○螢燭末光，增輝日月。（集512下，標568）

文選李善注。淮南子（主術訓）曰，人主之居也，如日月之明也。

○裴注引魏略：故太上立德，其次立功。（集512下，標569）

左傳襄公二十四年。太上有立德，其次有立功，其次有立言。

○又：故孔子有夕死之論，孟軻有棄生之義。（集512下，標569）

論語里仁。子曰，朝聞道，夕死可矣。

孟子離婁上。孟子曰，吾身不能居仁由義，謂之自棄也。

○臣聞天稱其高者以無不覆，地稱其廣者以無不載，日月稱其明者以無不照。（集513上，標569）

文選李善注。禮記（孔子閒居）。子夏問曰，何謂三無私，孔子曰，天無私覆，地無私載，日月無私照，此之謂三無私。

○江海稱其大者以無不容。（集513上、集569）

文選李善注。管子（形勢解）曰、海不辭水、故能成其大。墨子（親士）曰、江河不惡小谷之滿已也、故能大。

○故孔子曰、大哉堯之爲君、惟天爲大、惟堯則之。（集513上、標569）

文選李善注。論語（泰伯）文也。

○其傳曰、克明峻德、以親九族、九族既睦、平章百姓。（集513上、標569）

文選李善注。孔安國（書堯典傳）曰、能明俊（書作俊）德之士、任用之、以睦高祖玄孫之親也。又曰、既、已也。百姓、百官。言化九族而平和章明也。

○其詩曰、刑于寡妻、至于兄弟、以御于家邦。（集513上、標569）

文選李善注。毛萇（大雅思齊傳）曰、刑、法也。鄭玄云、御、治也。寡妻、寡有之妻。文王以禮接其妻、至於宗族、又能爲政、治於家邦。

○是以雍雍穆穆、風人詠之。（集513上、標569）

文選李善注。毛詩（大雅離）曰、有來雍雍（今作離離）。又（大雅離）曰、天子穆穆。

○昔周公弔管蔡之不咸、廣封懿親、以藩屏王室。（集513上、標569）

文選李善注。左氏傳（僖公二十四年）富辰曰、周公弔二叔之不咸、故封建親戚以藩屏周室。馬融曰、二叔、管蔡也。

○傳曰、周之宗盟、異姓爲後。（集513上、標570）

文選李善注。左氏傳（隱公十一年）曰、滕侯薛侯來朝、爭長。公

使羽父請於薛侯曰、周之宗盟、異姓爲後。

○誠骨肉之恩、爽而不離。（集513上、標570）

文選李善注。漢書（宣帝紀）宣帝詔曰、蓋聞象有罪、舜封之、骨肉之親、祭而不殊。如淳曰、祭或爲散。爾雅曰、爽、差也。

○未有義而後其君、仁而遺其親者也。（集513上、標570）

文選李善注。孟子（梁惠王上）曰、未有仁而遺其親者也、未有義而後其君者也。

○伏惟陛下咨帝唐欽明之德。（集513上、標570）

文選李善注。尚書（堯典）放勳欽明。

○體文王翼翼之仁。（集513上、標570）

文選李善注。毛詩（大雅大明）曰、惟此文王、小心翼翼。

○誠可謂恕己治人、推惠施恩者矣。（集513上、標570）

文選李善注。三略曰、良將恕己而治人。又曰、推惠施恩、士力日新。

○然天實爲之、謂之何哉。（集513下、標570）

文選李善注。毛詩國風（邶風北門）文。

○退省諸王、常有戚戚具爾之心。（集513下、標570）

文選李善注。毛詩（大雅行草）曰、戚戚兄弟、莫遠具爾。毛傳。戚戚、內相親也。鄭箋。莫、無也。具、猶俱也。爾、謂進之也。

○全怡怡之篤義。（集513下、標570）

文選李善注。論語（子路）子曰、兄弟怡怡如也。

○遠慕鹿鳴君臣之宴。(集513下、標570)

文選李善注。毛詩(小雅鹿鳴)序曰、鹿鳴、宴群臣嘉賓也。

○中詠常棣匪他之誠。(集513下、標570)

文選李善注。毛詩(小雅常棣)序曰、常棣、燕兄弟也。詩(小雅頍弁)曰、豈伊異人、兄弟匪他。

○下思伐木友生之義。(集513下、標570)

文選李善注。毛詩(小雅伐木)序曰、伐木、燕朋友故舊也。詩(伐木)曰、矧伊人矣、不求友生。

○終懷蓼莪罔極之哀。(集513下、標570)

文選李善注。毛詩(小雅)蓼莪曰、父兮生我、母兮鞠我、欲報之德、昊天罔極。

○崩城隕霜。(集513下、標571)

文選李善注。列女傳(卷四)曰、杞梁妻者、齊杞梁殖之妻也。齊莊公襲莒、殖戰死。杞梁之妻無子、內外皆無五屬之親。既無所歸、乃就其父屍於城下而哭之。內誠動人、道路過者、莫不為之揮涕。

十日而城為之崩。淮南子曰、鄒衍盡忠於燕惠王、惠王信讚而繫之、鄒氏仰天而哭、正夏而天為之降霜也。

案今淮南子不載此文、佚文歟。

○若葵藿之傾葉、太陽雖不為之回光、然向之者誠也。(集514上、標571)

文選李善注。淮南子(說林訓)曰、聖人之於道、猶葵之與日、雖不能終始哉、其鄉之者誠也。

○臣聞文子曰、不為福始、不為禍先。(集514上、標571)

『三國志集解』補(今鷹)

文選李善注。文子曰、與道為際、與德為隣、不為福始、不為禍先。范子曰、文子者、姓辛、葵丘濮上人也、稱曰計然、南遊於越、范蠡師事。

案王詒壽總校文子續義卷四符言、無與道為際與德為隣八字。

○故柏舟有天只之怨、谷風有棄予之歎。(集514上、標571)

文選李善注。毛詩(鄘風)柏舟曰、母也天只、不諒人也。毛萇曰、諒、信也。母也天也、尚不信我也。又(小雅)谷風曰、將安將樂、汝轉棄予。

○故伊尹恥其君不為堯舜。(集514上、標571)

文選李善注。尚書(說命)曰、昔先正保衡作我先王、乃曰、子弗克俾厥后惟堯舜、其心愧恥、若撻于市。

○孟子曰、不以舜之所以事堯事其君者、不敬其君者也。

孟子離婁上之文。

○至於欲使陛下崇光被時雍之美、宣緝熙章明之德者。(集514上、標571)

文選李善注。尚書(堯典)曰、允恭克讓、光被四表。協和萬邦、黎民於變時雍。毛詩(周頌維清)曰、維清緝熙、文王之典。尚書(堯典)曰、九族既睦、平章百姓。孔安國曰、言化九族而平和章明。

○南仲、方叔是矣。(集514下、標572)

詩小雅出車。赫赫南仲、玁狁于襄。毛傳。南仲、文王之屬。

詩小雅采芑。方叔涖止、其車三千。

毛傳。方叔、卿士也。受命而為將也。

○書曰、有不世之君、必能用不世之臣、用不世之臣、必能立不世之功。

（集514下、標572）

不知所據也。

後漢書隗囂傳。足下將建伊呂之業、弘不世之功。

李賢注。不世者、言非代之所常有也。

○書稱無曠庶官。（集514下、標572）

尚書皐陶謨。

○詩有職思其憂。（集514下、標572）

詩唐風蟋蟀。

○昔漢文發代、疑朝有變、宋昌曰、內有朱虛東牟之親、外有齊楚淮南

琅邪、此則盤石之宗、願王勿疑。（集514下、標572）

漢書文帝紀。大臣遂使人迎代王、郎中令張武議、皆曰、漢大臣皆

故高帝時將、習兵事、多謀詐、其屬意非止此也、特畏高帝呂太后

威耳、今已誅諸呂、新喋血京師、以迎大王為名、實不可信、願稱

疾無往、以觀其變。中尉宋昌進曰、羣臣之議、皆非也、夫秦失其

政、豪傑並起、人人自以為得之者以萬數、然卒踐天子位者、劉氏

也、天下絕望、一矣。高帝王子弟地、犬牙相制、所謂盤石之宗也、

天下服其疆、二矣。漢興、除秦煩苛、約法令、施德惠、人人自安、

難動搖、三矣。夫以呂太后之嚴、立諸呂為三王、擅權專制、而太

尉以一節入北軍一呼、士皆袒左為劉氏、畔諸呂、卒以滅之。此乃

天授、非人力也。今大臣雖欲為變、百姓弗為使、其黨寧能專一邪。

內有朱虛東牟之親、外畏吳楚淮南齊代之疆。方今高帝子獨淮南王

與大王、大王又長、賢聖仁孝、聞於天下、故大臣因天下之心、而

欲迎立大王、大王勿疑也。

○昔騏驥之於吳阪、可謂困矣、及其伯樂相之、孫郵御之、形體不勞、

而坐取千里。（集515上、標573）

文選劉琨答盧諶詩李善注。戰國策。楚客謂春申君曰、昔騏驥駕鹽

車、上吳坂、遷延負轅而不能進、遭伯樂、仰而鳴之、知伯樂知己

也。

案三國名臣序贊李善注引同、惟轅作輓。今戰國策（楚策四）、其文

異此、無吳阪二字。

○臣聞羊質虎皮、見草則悅、見豺則戰、忘其皮之虎也。（集515上、標

573）

揚子法言吾子。羊質而虎皮、見草而說、見豺而戰、忘其皮之虎矣。

○臣聞孟子曰、君子窮則獨善其身、達則兼善天下。（集515下、標574）

孟子盡心上之辭。

○裴注引魏略：蓬戶茅牖、原憲之宅也。（集516下、標575）

莊子讓王。原憲居魯、環堵之室、茨以生草、蓬戶不完、桑以為樞

而甕牖。

○又：陋巷單瓢、顏氏之居也。（集516下、標575）

論語雍也。賢哉回也、一簞食、一瓢飲、在陋巷。

○又：居子臧之廬、宅延陵之室。（集516下、標575）

左傳成公十三年。曹宣公卒于師。……曹人使公子負芻守、使公子



欣時逆曹伯之喪。(杜注。二子皆曹宣公庶子。)秋、負芻殺其太子而自立也。(杜注。宣公大子。……冬、葬曹宣公。既葬、子臧將亡。(杜注。子臧、公子欣時。)國人皆將從之。成公乃懼、(杜注。成公、負芻。)告罪、且請焉。(杜注。請留子臧。)

又十五年。春、會于戚、討曹成公也。執而歸京師。……諸侯將見子臧於王而立之。子臧辭曰、前志有之、曰、聖達節、次守節、下失節。為君、非吾節也。雖不能聖、敢失守乎。遂逃奔宋。

又襄公十四年。吳子諸樊既除喪、將立季札。季札辭曰、曹宣公之卒也、諸侯與曹人不義曹君、(杜注。曹君、公子負芻。)將立子臧、子臧去之、遂弗為也、以成曹君。君子曰、能守節。君義嗣也、(杜注。諸樊適子、故曰義嗣。)誰敢奸君。有國、非吾節也。札雖不才、願附於子臧、以無失節。固立之、棄其室而耕之。乃舍之。

曹植豫章行曰、子臧讓千乘、季札慕其賢。

○又：身死之日、猶松喬也。(集516下、標575)

松喬、謂赤松子、王子喬也。

○裴注引孫盛之言：背維城之義。(集517上、標576)

詩大雅板。宗子維城。

○又：勢同瓠木。(集517上、標577)

爾雅釋木。瓠木苻婁。

郭璞注。謂木病疴偃癭腫無枝條。

○又：危若巢幕。(集517上、標577)

左傳襄公二十九年。夫子之在此也、猶燕之巢於幕上。

○不嗣忽諸。(集517上、標577)

左傳文公五年。臯陶、庭堅不祀忽諸。

評

○傳曰、楚則失之矣、而齊亦未為得也。(集518下、標577)

司馬相如上林賦。亡是公听然而笑曰、楚則失矣、而齊亦未為得也。

武文世王公傳第二十

鄧哀王冲

○裴注引孫盛之言：春秋之義、立嫡以長不以賢。(集520上、標581)

公羊傳隱公元年。隱長又賢、何以不宜立。立適以長不以賢、立子以貴不以長。

○又：詩云、無易由言。

詩大雅抑之辭。

彭城王據

○裴注引魏書：昔羲文作易、著休復之語。(集521上、標582)

易復卦。六二、休復、吉。

王弼注。得位處中、最比於初、上无陽爻、以疑其親、陽為仁行、在初之上而附順之、下仁之謂也、既處中位、親仁善鄰、復之休也。

又。象曰、休復之吉、以下仁也。

○又：仲尼論行、既過能改。（集521上、標582）

論語學而。過則勿憚改。

中山恭王袞

○裴注引魏書載聖書：夫克己復禮、聖人稱仁。（集522上下、標584）

論語顏淵。子曰、克己復禮爲仁。

○又：朝過夕改、君子與之。（集522下、標584）

大戴禮曾子立事。君子朝有過、夕改則與之、夕有過、朝改則與之。

○昔衛大夫蘧瑗葬濮陽。（集522下、標584）

曹大家東征賦。蘧氏在城之東南兮、民亦尙其丘墳。

李善注。蘧氏、蘧瑗也。陳留風俗傳曰、長垣縣有蘧鄉、有蘧伯

玉冢。

案濮陽屬東郡、長垣屬陳留郡。蓋所傳不同也。

○禮、男子不卒婦人之手。（集522下、標584）

禮記喪大記。男子不死於婦人之手。

○汝幼少、未聞義方。早爲人君、伯但樂、不知苦、不知苦、必將以奢

爲失也。（集522下、標584）

左傳隱公三年。臣聞愛子教之以義方、弗納於邪、驕奢淫泆、所自

邪也。

○常稱馬援之遺誠、重諸侯賓客交通之禁。（集523下、標586）

後漢書馬援傳。初兄子嚴、敦並喜譏議、而通輕俠客。援前在阯還、

書誠曰、吾欲汝曹聞人過失、如聞父母之名、耳可得聞、口不可得

言也。好論議人長短、妄是非正法、此吾所大惡也。寧死、不願聞

子孫有此行也、云云。

○古人有言、戒慎乎其所不睹、恐懼乎其所弗聞、莫見乎隱、莫顯乎微、

故君子慎其獨焉。（集524上、標586）

禮記中庸之辭。中庸、弗作不、焉作也。

楚王彪

○夫含垢藏疾、親親之道也。（集525上、標587）

左傳宣公十五年。山藪藏疾、國君含垢。

○裴注臣松之之言：孔不陋九夷、老氏適西戎。（集525上、標588）

論語子罕。子欲居九夷、或曰、陋如之何、子曰、君子居之、何陋

之有。

列仙傳。老子西遊、尹喜見之、與老子俱之流沙之西。

○又：周公不足夢。（集525上、標588）

論語述而。吾不復夢見周公。

樂陵王茂

○昔象之爲虐至甚、而大舜猶侯之有庠。（集526上、標589）

孟子萬章上。象至不仁、封之有庠。

趙王幹

○近漢氏淮南·阜陵、皆爲亂臣逆子、而猶或及身而復國、或至子而錫土。(集526上、標589)

淮南、淮南厲王長。阜陵、長子安、後爲淮南王。事見漢書淮南王傳。

○君子與其進、不保其往也。(集526上、標589)

論語述而。子曰、與其進也、不與其退也、唯何甚、人潔己以進、與其潔也、不保其往也。

評

○裴注引魏氏春秋載宗室曹罔上書：故傳曰、庸勳親親、昵近尊賢。(集527下、標592)

左傳僖公二十四年之辭。

○又：書曰、克明俊德、以親九族。(集527下、標592)

書堯典之辭。

○又：詩云、懷德維寧、宗子維城。(集527下、標592)

詩大雅板之辭。

○又：詩不云乎、鵲巢在原、兄弟急難。(集528上、標592)

詩小雅常棣之辭。

○又：雖有闔牆之忿、不忘禦侮之事。(集528上、標592)

常棣曰、兄弟闔于牆、多禦其務。

鄭箋。務、侮也。

○昔夏殷周歷世數十、而秦二世而亡。(集528上、標592)

文選李善注。紀年曰、凡夏自禹以至于桀、十七王。殷自成湯滅夏

以至于受、二十九王。大戴禮曰、殷爲天子二十餘世而周受之、周爲天子三十餘世而秦受之、秦爲天子二世而亡、何。殷周有道而長、秦無道而暴也。

○又：二霸之後、浸以陵遲。(集528上、標592)

文選李善注。漢書曰、二霸之後、浸以陵遲。

○又：枝葉碩茂。(集528上、標592)

文選李善注。班固漢書述曰、公族蕃滋、枝葉碩茂。

○又：至於王赧、降爲庶人、猶枝幹相持、得居虛位、海內無主、四十餘年。(集528上、標592)

文選李善注。班固漢書贊(諸侯王表序)曰、譬于王赧、降爲庶人、用天年終、號位已絕於天下、尚猶枝葉相持、莫得居其虛位、海內無主、四十餘年也。

案漢書四十作三十。

○又：秦據勢勝之地、騁譎詐之術。(集528上、標593)

文選李善注。班固漢書贊(諸侯王表序)曰、秦據勢勝之地、騁狙詐之兵。

○又：至於始皇、乃定天位、曠日若彼、用力若此。(集528上下、標593)

文選李善注。班固漢書贊(異姓諸侯王表序)曰、至始皇乃并天下、以德若彼、用力如此。

○又：豈非深根固蒂不拔之道乎。(集528下、標593)

文選李善注。班固漢書贊(諸侯王表序)曰、所以親親賢賢、褒表

功德、深根固本、爲不可拔者也。

○又：秦觀周之弊、以爲小弱見奪、於是廢五等之爵、立郡縣之官。（集528下、標593）

文選李善注。班固漢書贊（異姓諸侯王表序）曰、秦既稱帝、患周之敗、以爲諸侯力爭、四夷交侵、以弱見奪、於是削去五等。史記。李斯奏曰、置諸侯不使、始皇於是分天下以爲三十六郡、置守尉監也。

○又：子弟無尺寸之封、功臣無立錐之地、內無宗子以自毗輔、外無諸侯以爲藩衛。（集528下、標593）

文選李善注。班固漢書贊（諸侯王表序）曰、竊自號謂皇帝、而子弟爲匹夫、內亡骨肉本根之輔、外亡尺土蕃翼之衛。

○又：自以爲關中之固、金城千里、子孫帝王萬世之業也。（集528下、標593）

文選李善注。賈誼過秦曰、天下已定、始皇之心、以爲關中之固、金城千里、子孫帝王萬世之業也。

○又：事不師古而能長久者、非所聞也。（集528下、標593）

文選李善注。尚書（說命）曰、事不師古、以克永代、匪說攸聞。○又：始皇聽李斯偏說而細其議、至於身死之日、無所寄付、委天下之重於凡夫之手、託廢立之命於姦臣之口。（集528下、標593）

文選李善注。史記曰、始皇崩、趙高乃與胡亥、丞相李斯陰破去始皇所封書賜公子扶蘇者、而更詐爲丞相受始皇遺詔、立子胡亥爲太子、更爲書賜公子扶蘇死。

○又：至令趙高之徒、誅鉏宗室。（集528下、標593）

文選李善注。史記曰、二世尊用趙高、申法令、乃行誅大臣及諸公子。

○又：胡亥少習刻薄之教。（集528下、標593）

文選李善注。史記曰、趙高故常教胡亥書、及獄律令法事。

○又：而乃師譚申商、諮謀趙高、自幽深宮、委政讒賊。（集528下、標593）

文選李善注。史記。李斯上書二世曰、能明申韓之術、而修商君之法、法修術明、而天下亂者、未之聞也。又曰。二世常居禁中、與趙高決事、事無大小、輒決於高。

○又：勝廣倡之於前、劉項斃之於後。（集528下、標593）

文選李善注。班固漢書贊（諸侯王表序）曰、吳陳奮其白挺、劉項隨而斃之。

○又：五年之中而成帝業、自開闢以來、其興立功勳、未有若漢祖之易也。夫伐深根者難爲功、摧枯朽者易爲力、理勢然也。（集528下、標593）

文選李善注。班固漢書贊（異姓諸侯王表序）曰、漢無尺土之階、繇一劍之任、五年而成帝業、書傳所未嘗有焉。何則、古代相革、皆承聖王之烈、今漢獨收孤秦之斃。鑄金石者難爲功、摧枯朽者易爲力、其熱然也。

○又：及諸呂擅權、圖危劉氏。（集529上、標593）

文選李善注。漢書。太后崩、上將軍呂祿、相國呂產專兵秉政、謀

作亂。

○又：大者跨州兼郡、小者連城數十、上下無別、權侔京室。(集529上、標593)

文選李善注。班固漢書贊(諸侯王表序)曰、大者跨州兼郡、小者連城數十、宮室百官、制同京師。

案今漢書無小者二字。

○又：賈誼曰、……(集529上、標593)

文選李善注。漢書賈誼上疏之文。

○又：至於孝景、猥用鼂錯之計、削黜諸侯、親者怨恨、疎者震恐、吳楚倡謀、五國從風。兆發高帝、釁鍾文景、由寬之過制、急之不漸故也。(集529上、標594)

文選李善注。漢書曰、朝錯數言吳過可削、文帝寬不忍罰。及景帝即位、錯曰、高帝初定天下、諸子弱、故大封同姓。今吳謀作亂逆、削之亦反、不削亦反。於是方議削吳。吳王恐、因欲發謀舉事。諸侯既新削罰、震恐、多怨錯。及吳先起兵、膠西·膠東·淄川·濟南·楚·趙亦皆反。

○又所謂末大必折、尾大難掉。(集529上、標594)

文選李善注。左氏傳(昭公二年)。楚子問於申無宇曰、國有大城、何如。對曰、末大必折、尾大不掉、君所知也。

○又：武帝從主父之策、下推恩之令、自是之後、齊分爲七、趙分爲六、淮南三割、梁代五分。(集529上、標594)

文選李善注。漢書。主父偃說上曰、今諸侯或連城數十、願陛下令

『三國志集解』補 四 (今鷹)

諸侯得推恩分子弟以地、侯之、彼人人喜得所願、上以德施、實分其國、必稍自銷弱矣。上從其計。又班固贊(諸侯王表序)曰、武帝施主父之策、下推恩之令、使諸侯得分戶邑以封子弟、不行黜陟而國自析、自是齊分爲七、趙分爲六、梁分爲五、淮南分爲三也。

○又：遂以陵遲、子孫微弱、衣食租稅、不豫政事。(集529上、標594)

文選李善注。班固漢書贊(諸侯王表序)曰、景帝遭七國之難、抑損諸侯。諸侯唯得衣食租稅、不與政事。

○又：至於成帝、王氏擅朝、劉向諫曰、……(集529上、標594)

文選李善注。漢書劉向上疏之文。

○又：其言深切、多所稱引、成帝雖悲傷歎息而不能用。(集529上、標594)

文選李善注。漢書曰、成帝即位、向數上疏言得失、陳法戒、書數十上、以助觀覽、補遺闕。上雖不能盡用、然嘉其言、常嗟嘆之。

○又：至於哀平、異姓秉權、假周公之事、而爲田常之亂、高拱而竊天位、一朝而臣四海。漢宗室王侯、解印釋綬、貢奉社稷、猶懼不得爲臣妾、或乃爲之符命、頌莽恩德、豈不哀哉。(集529上、標594)

文選李善注。班固漢書贊(諸侯王表序)曰、至哀平之際、王莽知中外殫微、因母后之權、假伊周之稱、詐謀既成、遂據南面之尊。

漢諸侯王、厥角稽首、奉上璽敕、唯恐在後、或乃稱美頌德、以求容媚、豈不哀哉。漢書曰、王莽廢漢藩王、廣陵王獻符命、封扶策侯。

○又：觀前車之傾覆、而不改其轍迹。(集529下、標594)

文選李善注。晏子曰、諺曰、前車覆、後車戒也。

○又：故語曰、百足之蟲、至死不殞、以扶之者衆也。(集529下、標595)

文選李善注。魯連子曰、百足之蟲、至斷不蹶者、持之者衆也。

○又：此言雖小、可以譬大。(集529下、標595)

文選李善注。司馬相如諫獵書曰、此言雖小、可以喻大。